

BKK - MYSTER KRAFTVERK. VEDTEKTER FOR BRUK AV MIDLAR TIL OPPHJELP AV VILT OG FISK

Vedtekter vedrørende midlar avsett til opphjelp av vilt og fiske i Vaksdal kommune i samband med løyve til utbygging av Myster kraftverk:

§ 1

Midlane skal nyttast til konkrete tiltak for fremjing av vilt og fiske i Vaksdal kommune. Disponering av midlar skal skje med 75% på fiske og 25% på vilt.

§ 2

Dei midlar som vert tildelt skal forvaltast av eit styre på 5 medlemmer med personlege varamedlemmer oppnemnt av Vaksdal kommunestyre. Innlandsfiskenemnda skal ha ein representant i styret og kjem med framlegg til denne samt personleg varamedlem.

Viltnemnda skal ha ein representant i styret og kjem med framlegg til denne samt personleg varamedlem.

Valnemnda kjem med framlegg på dei 3 andre medlemmene samt personlege varamedlemmer, og fremjar desse saman med framlegga frå viltnemnda og innlandsfiskenemnda.

Styret vel leiar/nestleiar for 2 år av gongen.

Fondsnemnda sine vedtak vert å senda Fylkesmannen i Hordaland til orientering.

Disponering av midlane skal godkjennast og slutthandsamast av formannskap/plan- og økonomiutvalet.

§ 3

Styret vert samankalla av leiar eller nestleiar. Styret er vedtaksført når minst 3 medlemmer er tilstades. Leiaren si stemme avgjer ved stemmelikskap.

§ 4

Saman med framlegg til disponering av neste års midlar, skal det leggjast fram ei kort melding om siste års verksemd.

§ 5

Fondet skal ha ein grunnkapital på kr 150 000 til opphjelpsarbeidet.

§ 6

Attståande midlar på eit årsbudsjett og eventuell avkastning/renter skal overførast til neste års budsjett.

§ 7

Brot på desse vedtektene kan føra til straff, jfr. § 339 nr. 2 i lov av 22. mai 1902 nr. 10.

§ 8

Vedtektene tek til å gjelda strakst.

Vedtekne i kommunestyret 26. juni 1989 sak 72/89,
med seinare endringar 22. november 1989 sak 139/89
og 4. oktober 1999 sak 71/99